

SESSIONI URDINARIA DI U 2025

RIUNIONI DI U 3 Dicembri di u 2025

N° 2025-M4-26

**QUISTIONI URALI DIPUSITATA DA GHJULIU ANTONE SUSINI PÀ U GRUPPU
« SCELTA PATRIOTTA »**

Ughjettu : Ghjustizia è verità pà Yvan

Sgiò Presidente di l'esecutivu

Assaltatu u 2 di marzu 2022 in a prigiò d'Arles in Francia, incù a viulenza è a barbaria chi no cuniscimi tutti; a morte d'Yvan Colonna a fattu nasce un'imuzioni tamanta è un riprovu mai cunusciutu in Corsica.

A nostra ghjuventù, s'hè mubilizata in'i carrughji pà chera «Ghjustizia è Verità pà Yvan.»

Tandu cuminciavanu i niguziassioni è i discussioni pà ciò chì oghji hè chjamatu u prucessu di Beauveau.

Dopu à trè anni d'inchiesta è un rapportu parlamentariu propiu bè missu in balu, chì hà permessu di palisà parechji elementi affannosi pà i sarvizii francesi è a questura antiterroristu.

Poghi tempi fà a ghjustizia francese hà decisu di classificà senza seguita stu cartulari mandendu a spassu a vulintà di a famiglia, di i so amichi è d'un populu sanu di vole cunnosce a verità, à nantu i cumandarii è i cundizioni di l'esecuzioni d'Yvan Colonna.

Signori Presidente di l'Esecutivu, pudeti dî ci, cunfurmamente à i vostri
dichjarazioni di primura u lindumanu di st'assaltu dannosu:
A chi ni simu? Chì elementi aveti? è ch'aveti l'intinzioni di fà?